



## ინტერვიუ სომხეთის რესპუბლიკის იუსტიციის მინისტრთან, ბ-6 ხარენ ანდრეასიანთან

**ახლახან თბილისში ქართულ-სომხური სამართლებრივი ფორუმი ჩატარდა. რა მიზანს ემსახურებოდა ეს ღონისძიება და როგორ შეაფასებდით მის შედეგებს?**

მოგესხენებათ, სამართლებრივი ფორუმები ჩვენი ორი ქვეყნის იუსტიციის სამინისტროებს შორის 2015 წლიდან იმართება. ამ ფორუმების მიზანი არის და ყოველთვის იყო ორივე ქვეყნის საუკეთესო გამოცდილების გაზიარება იუსტიციის სფეროში სასარგებლო რეფორმების განხორციელების მიზნით და ასევე ორ სამინისტროს შორის კავშირების და მეგობრული ურთიერთობების გაძლიერება. ვფიქრობ, რომ წლის დასაწყისში თბილისში გამართულ ქართულ-სომხურ სამართლებრივ ფორუმს, წინა ფორუმების მსგავსად, აქონდა ძალიან ნაყოფიერი და სასიკეთო შედეგები, რომელთა წყალობითაც ჩვენ შევძლებთ ჩვენი იუსტიციის სისტემის გაუმჯობესებას.

**რამდენად მნიშვნელოვნად გესახებათ ჩვენი ორი ქვეყნის იუსტიციის სამინისტროებს შორის თანამშრომლობა?**

თანამშრომლობას ჩვენი ქვეყნების იუსტიციის სამინისტროებს შორის ხანგრძლივი ისტორია აქვს, რომელიც ჩვენთვის ძალიან ღირებულია. ამ თანამშრომლობის ერთ-ერთი თვალსაჩინო მაგალითია სამართლებრივი ფორუმი, რომელიც ძალზედ „ეფექტიან“ ტრადიციად ჩამოყალიბდა ორ ქვეყანას შორის. ამასთან ერთად, ჩვენ ძალიან მოწადინებული ვართ, რომ ორ ქვეყანას შორის ეს თანამშრომლობა ახალ საფეხურებზე ავიყვანოთ, რადგან ეს ხელს შეუწყობს საუკეთესო პრაქტიკის გაცვლას სომხეთის რესპუბლიკის იუსტიციის სამინისტროს კომპეტენციასთან დაკავშირებულ სფეროებში. ეს ასევე ხელს შეუწყობს იუსტიციის სამინისტროებს შორის არსებული პარტნიორობის და ეფექტური და მეგობრული ურთიერთობების გაძლიერებას ჩვენს ორმხრივ ინტერესებთან დაკავშირებულ სფეროებში, და ასევე თანამშრომლობის გაფართოებას და გაღრმავებას ორ სამინისტროს შორის ორმხრივი ვიზიტების საშუალებით.

დარწმუნებული ვარ, მჭიდრო დიალოგი ჩვენს სამინისტროებს შორის ხელს შეუწყობს ჩვენი საერთო მიზნის მიღწევას, რაც გულისხმობს ორ ქვეყანას შორის კარგი პარტნიორობის ჩამოყალიბებას. აქედან გამომდინარე, მჯერა, რომ ქართულ-სომხური სამართლებრივი ფორუმის გაგრძელება კარგი პლანტ-

ფორმა იქნება ყველა იმ საკითხის განხილვისთვის, რომელიც ჩვენს საერთო ინტერესებში შედის.

**პოსტსაბჭოთა ქვეყნებისთვის დღემდე ამოცანად რჩება ეროვნული სამართლებრივი სისტემის უარყოფითი მემკვიდრეობისგან, რუდიმენტებისგან გათავისუფლება. რა კეთდება სომხეთში სამართლებრივი სისტემის ევროპულ სტანდარტებთან დასახლოებლად?**

იმისთვის, რომ იუსტიციის სისტემაში რეფორმებისთვის საუკეთესო იდეები წარმოიშვას და მოხდეს აღნიშნული რეფორმების განხორციელება, ჩვენ ვსწავლობთ რამდენიმე პარტნიორი სახელმწიფოს საუკეთესო გამოცდილებას, რომელსაც გამოვიყენებთ სახელმძღვანელოდ გაუმჯობესების კუთხით ჩვენს ქვეყანაში. ერთ-ერთი ასეთი სახელმწიფოა ჩვენი მეზობელი საქართველო, თავისი სანიმუშო გამოცდილებით. რაც შეეხება სომხეთის ეროვნული კანონმდებლობის დაახლოებას ევროპულ სტანდარტებთან, აღსანიშნავია, რომ სომხეთმა მოახდინა „ყოვლისმომცველი და გაძლიერებული პარტნიორობის შესახებ შეთანხმების“ (CEPA) რატიფიცირება. აღნიშნული შეთანხმების თანახმად, შედგენილ იქნა საგზაო რუკა, რომელსაც ჩვენი ქვეყანა პატივს სცემს და ასრულებს.

**რა არის თქვენთვის მოსაწონი და მისაღები იუსტიციის სისტემის ქართულ მოდელში და ხომ არ ფიქრობთ ჩვენი გამოცდილების გაზიარებას რომელიმე მიმართულებით?**

ამჟამად გვაქვს ჩვენს ქვეყანაში განსახორციელებელი რეფორმების ფართო პროგრამა. კერძოდ, ინტენსიურად ვმუშაობთ საკონსტიტუციო ცვლილებებზე და ცვლილებებზე მართლმსაჯულების მიმართულებით, ასევე პენიტენციური, პრობაციის, აღსრულების, ანტიკორუფციული პოლიტიკის, ადამიანის უფლებების, პოლიციის რეფორმების და ა.შ. სფეროებში გაუმჯობესების კუთხით. საქართველო ახალ იდეებს გვაწვდის აღნიშნულ სფეროებთან დაკავშირებით.

ამის ერთ-ერთი მაგალითია ელექტრონული სისტემა „Probbbox“, რომელიც საშუალებას აძლევს პრობაციის სამსახურს იმუშაოს ეფექტიანად ახალი ფილიალების გახსნის გარეშე და ასევე დაზოგოს და სათანადოდ მართოს ადამიანური რესურსები. იუსტიციის სფეროში გაციფრულების პროცესების გათვალისწინებით, ამ ინოვაციური მოწყობილობის დანერგვა მნიშვნელოვანი მიღწევა იქნება სომხეთის რესპუბლიკისთვის, რაც მოგვცემს მომავალში ადამიანური და მატერიალური რესურსების უფრო ეფექტურად მართვის საშუალებას და, ამგვარად, მნიშვნელოვნად შეამცირებს ხარჯებს პრობაციის სფეროში.

ასევე, მნიშვნელოვნად მიმაჩნია სომხეთში „მობილური იუსტიციის სახლების“ განთავსების შესაძლებლობა. ეს არის ახალი მიდგომა ამ სფეროში, რომლის მიზანიცაა უკვე არსებული იუსტიციის სახლების ეფექტურობის გაზრდა.



ასევე საარბიტრაჟო ცენტრების შექმნის იდეა, რომელიც სომხეთში ამჟამად ჩამოყალიბების დაწყებით ეტაპზეა, ხოლო საქართველოში უკვე არსებობს.

**როგორ წარმოვიდგენიათ სომხეთის იუსტიციის სისტემა თქვენ მიერ დაგეგმილი რეფორმების შემდეგ?**

2019 წელს სომხეთის მთავრობამ შეიმუშავა ძალიან ამბიციური რეფორმების დღის წესრიგი, რომელიც ასახულია დარგობრივ სტრატეგიულ დოკუმენტებში. აღნიშნული დოკუმენტები უკვე შეიმუშავებულია და მათი განხორციელება მოხდება ყველა შესაბამისი დაინტერესებული მხარის, მათ შორის, სამოქალაქო საზოგადოების წარმომადგენლების მონაწილეობით და ჩვენი საერთაშორისო პარტნიორების ჩართულობით.

როგორც კი აღნიშნული რეფორმები დასრულდება, მოლოდინი გვაქვს რომ ჩვენი იუსტიციის სისტემა იქნება უფრო მეტად სამართლიანი, ეფექტიანი, პრაქტიკული და უფრო მეტად ორიენტირებული ადამიანის უფლებებზე. ჩვენი რეფორმების დღის წესრიგი მთლიანობაში საშუალებას მოგვცემს უზრუნველყოთ კეთილსინდისიერება მართლმსაჯულების სისტემის მთავარ აქტორებს, მათ შორის, მოსამართლეებს შორის და ამით გაავზარდოთ საზოგადოების ნდობა სასამართლო ხელისუფლების მიმართ. ამიტომაც, თანამშრომლობა ჩვენს ქვეყნებს შორის კარგი შესაძლებლობაა ზრდისა და განვითარებისთვის.

ამჟამად შეიმუშავების პროცესშია საკონსტიტუციო, სასამართლო და ანტიკორუფციული რეფორმები, ასევე რეფორმები სისხლისსამართლებრივი აღსრულების, პრობაციის, პოლიციის, აღსრულების, ადამიანის უფლებებისა და სხვა სფეროებში.